

Na osnovu člana 64. stav (1) tačka b), 70. stav (1), (3) i (6), 88. i 89. Zakona o javnim nabavkama Bosne i Hercegovine („Službeni glasnik BiH“ broj: 39/14), Zapisnika o pregledu i ocjeni ponuda i preporuke Komisije za javne nabavke (br: 12-1515/19 od 09.04.2019. godine) i člana 95. Statuta Univerziteta u Sarajevu, D e k a n Elektrotehničkog fakulteta u Sarajevu, *d o n i o j e*

O D L U K U
o izboru najpovoljnijeg ponuđača

I

Ugovorni organ (Elektrotehnički fakultet u Sarajevu), prihvata preporuku Komisije (br:12-1515/19 od 09.04.2019. godine) za izbor najpovoljnije ponude za pružanje grafičkih usluga za potrebe Elektrotehničkog fakulteta u Sarajevu do kraja kalendarske 2019. godine (JRN 79810000-5), koja se provodi u skladu sa članom 88. Zakona o javnim nabavkama Bosne i Hercegovine ("Službeni glasnik BiH" broj: 39/14), a na osnovu Odluke br: 12-1104/19 od 11.03.2019. godine, te je kao ponuđač izabrana firma „Štamparija Fojnica“ D.D. Fojnica, jer je nakon okončane e-aukcije ponudila najnižu cijenu prihvatljive ponude – 14.900,00 KM bez PDV-a.

II

Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa čl. 71. stav (2) Zakona o javnim nabavkama Bosne i Hercegovine ("Službeni glasnik BiH" broj: 39/14).

OBRAZLOŽENJE

Elektrotehnički fakultet u Sarajevu je uputio poziv za nabavku usluga - „Pružanje grafičkih usluga do kraja kalendarske 2019. godine za potrebe Elektrotehničkog fakulteta u Sarajevu“ na više adresa 3 (tri), te istovremeno objavio Obavještenje o nabavci na portalu Agencije za javne nabavke (br: 5714-7-2-18-3-6/19 od 14.03.2019. godine).

Na navedeni poziv prijavilo se ukupno 8 (osam) ponuđača i to:

1. "Štamparija Fojnica" D.D. Fojnica
2. „B-Eli-M“ d.o.o. Lukavac
3. „Planjax komerc“ d.o.o. Jelah
4. „Kemigrafika - Trade“ d.o.o. Sarajevo
5. „Grafičar“ d.o.o. Bihać
6. „Comes grafika“ d.o.o. Banja Luka
7. „Svjetlost-BH print“ d.o.o. Sarajevo
8. „Grafika Šaran“ d.o.o. Sarajevo

Komisija za javnu nabavku imenovana je Rješenjem Dekana Elektrotehničkog fakulteta u Sarajevu (br. 12-1266/19 od 27.03.2019. godine).

Komisija za javnu nabavku dostavila je Dekanu Zapisnik o pregledu i ocjeni ponuda (br: 12-1515/19 od 09.04.2019. godine) sa prijedlogom za donošenje odluke o izboru najpovoljnijeg ponuđača u postupku javne nabavke - „Pružanje grafičkih usluga do kraja kalendarske 2019. godine za potrebe Elektrotehničkog fakulteta u Sarajevu“.

U postupku po Zapisniku o pregledu i ocjeni ponuda utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu pristiglih ponuda, o čemu je sačinila Zapisnik u kojem je utvrđeno sljedeće:

- ukupan broj pristiglih ponuda je 8 (osam),
- sve ponude su zaprimljene blagovremeno i
- 1 (jedna) ponuda je neprihvatljiva.

U postupku donošenja ove Odluke, posebno su cijenjene činjenice da je Komisija za javnu nabavku, pravilno i potpuno izvršila ocjenu kvalificiranosti ponuđača kao i ocjenu pristiglih ponuda, u skladu sa kriterijima utvrđenim u tenderskoj dokumentaciji.

U postupku ocjene provedenog postupka, Dekan Elektrotehničkog fakulteta u Sarajevu, nije našao razloge nepravilnosti niti propuste u radu, koji bi eventualno bili osnov za neprihvatanje prijedloga Komisije za javnu nabavku.

U skladu sa navedenim, u postupku je ocijenjeno da je Komisija za javnu nabavku u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama Bosne i Hercegovine, podzakonskim aktima kao i tenderskom dokumentacijom.

Najpovoljniji ponuđač za pružanje grafičkih usluga za potrebe Elektrotehničkog fakulteta u Sarajevu do kraja kalendarske 2019. godine je:

- 1) "Štamparija Fojnica" D.D., Prokoški put bb., 71270 Fojnica.

Ponuđač "Štamparija Fojnica" DD Fojnica je izabran primjenjujući kriterij najniža cijena, pri čemu ponuda navedenog ponuđača nakon održane e-aukcije iznosi 14.900,00 KM bez PDV-a.

Drugi ponuđači čija je ponuda također prihvatljiva, ponudili su sljedeću cijenu:

1. „Planjax komerc“ d.o.o. Jelah - 14.220,00 KM bez PDV-a,
2. "Comes grafika" d.o.o. Banja Luka - 16.000,00 KM bez PDV-a,
3. „B-Eli-M“ d.o.o. Lukavac - 23.925,96 KM bez PDV-a,
4. "Grafika Šaran" d.o.o. Sarajevo - 37.484,66 KM bez PDV-a,
5. "Svjetlost-BH print" d.o.o. Sarajevo - 39.831,99 KM bez PDV-a i
6. "Grafičar" d.o.o. Bihać - 39.908,20 KM bez PDV-a.

čime je utvrđen njihov sukcesivni red.

Napomena: Cijena ponude prvoplasiranog ponuđača "Štamparija Fojnica" DD Fojnica nakon primjene preferencijalnog tretmana, odnosno umanjenja cijene u svrhu poređenja ponuda, u skladu sa čl. 1. Odluke o obaveznoj primjeni preferencijalnog tretmana domaćeg ("Službeni glasnik BiH" broj 83/16) iznosi 14.155,00 KM bez PDV-a. Drugoplasirani ponuđač „Planjax komerc“ d.o.o. Jelah nije dostavio validan dokaz o primjeni preferencijalnog tretmana, te se na ponudu nije mogao primijeniti isti.

Na osnovu naprijed navedenog, a u skladu sa članom 64. stav (1) tačka b) Zakona o javnim nabavkama Bosne i Hercegovine ("Službeni glasnik BiH" broj: 39/14), donijeta je Odluka kao u dispozitivu.

POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke.

D E K A N

Prof.dr Samim Konjicija



Prilog: - Zapisnik o pregledu i ocjeni ponuda broj: 12-1515/19 od 09.04.2019. godine

Dostaviti:

- Ponuđačima elektronskim putem
- Finansijskoj službi
- Pravnoj službi
- a/a

Broj: 12-1515/19

Datum: 09.04.2019. godine

Na osnovu člana 65. Zakona o javnim nabavkama („Službeni glasnik BiH“, broj 39/14) i člana 18. Uputstva za pripremu modela tenderske dokumentacije i ponuda („Službeni glasnik BiH“, broj 90/14), sastavlja i dostavlja se odgovornom licu ugovornog organa:

ZAPISNIK O PREGLEDU I OCJENI PONUDA

- **Naziv i sjedište ugovornog organa:** Elektrotehnički fakultet u Sarajevu
- **Predmet nabavke:** Pružanje grafičkih usluga za potrebe Elektrotehničkog fakulteta u Sarajevu do kraja kalendarske 2019. godine
- **Vrsta postupka javne nabavke:** Konkurentski postupak
- **Evidencijski broj nabavke:** Usluge - Red.br.4.
- **Broj obavještenja o nabavci sa portala javnih nabavki:** Obavještenje broj 5714-7-2-18-3-6/19
- **Datum početka pregleda i ocjene ponuda:** 02.04.2019. godine
- **Naziv i sjedište svih ponuđača, prema redoslijedu zaprimanja ponuda:**

R.br.	PONUĐAČ	Cijena na (javnom) otvaranju KM (bez PDV-a)	Ukupna cijena na (javnom) otvaranju KM (sa PDV-om)
1.	Štamparija Fojnica D.D.	23.997,95	28.077,60
2.	„B-Eli-M“ d.o.o. Lukavac	43.205,50	50.550,44
3.	„Planjax komerc“ d.o.o. Jelah	22.835,60	26.717,65
4.	„Kemigrafika - Trade“ d.o.o. Sarajevo	34.451,38	40.308,05
5.	“Grafičar” d.o.o. Bihać	39.908,20	46.692,59
6.	“Comes grafika” d.o.o. Banja Luka	27.806,84	32.534,00
7.	“Svjetlost-BH print” d.o.o. Sarajevo	39.831,99	46.603,43
8.	“Grafika Šaran” d.o.o. Sarajevo	37.484,66	43.857,05

- **Podaci o pojašnjenju, u skladu sa članom 68. stav (3) Zakona:** Tokom postupka pregleda i ocjene ponuda nije primjenjen institut pojašnjenja u skladu sa članom 68. stav (3) Zakona.
- **Podaci o ispravkama, ukoliko su iste uočene u ponudi i koje su urađene na način da su vidljive (ispravljeni podaci moraju biti vidljivi), potvrđene potpisom ponuđača i sa datumom izvršene ispravke:** Nije bilo ispravki grešaka u ponudama.
- **Analitički prikaz traženih i dostavljenih dokumenata na osnovu kojih se utvrđuje postoje li razlozi isključenja ponuđača (obavezni razlozi i ako je primjenjivo ostali razlozi isključenja):** Nije bilo razloga za isključenje ponuđača zbog neispunjenja uslova za kvalifikaciju.

- **Naziv i sjedište ponuđača koji se isključuju zbog neispunjavanja uslova za kvalifikaciju, te obrazloženje razloga njihovog isključenja, za svakog ponuđača posebno:** Nije bilo razloga za isključenje ponuđača zbog neispunjavanja uslova za kvalifikaciju.
- **Analitički prikaz traženih i dostavljenih dokaza profesionalne i tehničke sposobnosti ponuđača:** Nije bilo razloga za isključenje ponuđača zbog nedostavljanja dokaza profesionalne i tehničke sposobnosti.
- **Analiza ponuda vezano uz ispunjenje zahtjeva u pogledu opisa predmeta nabavke i tehničkih specifikacija:** Nije bilo razloga za isključenje ponuđača zbog nedostavljanja dokaza u pogledu tehničkih specifikacija.
- **Podaci o ispravkama računskih grešaka u ponudama, ako ih je bilo:** Nije bilo ispravki računskih grešaka u ponudama.
- **Naziv i sjedište ponuđača čije ponude se odbijaju na osnovu rezultata pregleda i ocjene ponuda, te obrazloženje razloga za njihovo odbijanje:** Ponuda ponuđača "KEMIGRAFIKA-TRADE" d.o.o. Sarajevo (br. 12-1316/19 od 29.03.2019. godine) se odbija, jer je dostavljena u spiralnom uvezu, odnosno nije čvrsto uvezana, kako je zahtjevano u tenderskoj dokumentaciji, a u skladu sa Uputstvom za pripremu modela tenderske dokumentacije i ponuda ("Službeni glasnik BiH" broj 90/14).
- **Razlozi za odbijanje ponude/a zbog neprirodno niske cijene, ako je primjenjivo:** Nema ponuđača čije ponude se odbijaju.

- **Rangiranje prihvatljivih ponuda i unos u sistem e-nabavke radi održavanja e-aukcije:** Ugovorni organ je dana 03.04.2019. godine u sistemu e-nabavke zakazao e-aukciju nakon unosa kvalificiranih ponuđača, pri čemu su ponuđači pod rednim brojevima 1., 3., 5., 6., i 7. dostavili dokaz o ispunjavanju uslova za primjenu preferencijalnog tretmana kako je zahtijevano u tenderskoj dokumentaciji (tačka E.5), dok su ponuđači „Planjax komerc“ d.o.o. Sarajevo, pod rednim brojem 2., i ponuđač "Grafika Šaran" d.o.o. Sarajevo, pod rednim brojem 4., umjesto zahtijevanog dokaza dostavili Izjavu o ispunjavanju uslova za primjenu preferencijalnog tretmana, te se na ove ponude nije primjenio preferencijalni tretman domaćeg.

R.br.	Naziv ponuđača	IDB/JIB	Početna cijena bez PDV-a	Rang
1.	Štamparija Fojnica D.D.	4236045660000	23.997,95	1
2.	„Planjax komerc“ d.o.o. Jelah	4218427610004	22.835,60	2
3.	“Comes grafika” d.o.o. Banja luka	4400813560006	27.806,84	3
4.	“Grafika Šaran” d.o.o. Sarajevo	4200400760008	37.484,66	4
5.	“Svjetlost-BH print” d.o.o. Sarajevo	4202043620009	39.831,99	5
6.	“Grafičar” d.o.o. Bihać	4263008270002	39.908,20	6
7.	„B-Eli-M“ d.o.o. Lukavac	4209423710005	43.205,50	7

Rangiranje ponuda nakon e-aukcije održane dana 05.04.2018. godine:


R.br.	Naziv ponuđača	IDB/JIB	Konačna cijena bez PDV-a	Rang
1.	Štamparija Fojnica D.D. Fojnica		14.900,00	1
2.	„Planjax komerc“ d.o.o. Jelah		14.220,00	2
3.	“Comes grafika” d.o.o. Banja luka		16.000,00	3
4.	„B-Eli-M“ d.o.o. Lukavac		23.925,96	4
5.	“Grafika Šaran” d.o.o. Sarajevo		37.484,66	5
6.	“Svjetlost-BH print” d.o.o. Sarajevo		39.831,99	6
7.	“Grafičar” d.o.o. Bihać		39.908,20	7


Analiza prihvatljivih ponuda prema kriteriju za izbor ponude: Na osnovu analize Komisija je ustanovila da je ponuda ponuđača Štamparija Fojnica D.D. Fojnica, najpovoljnija u odnosu na ostale tri ponude.


- **Naziv ponuđača čija je ponuda ocijenjena kao najpovoljnija i sa kojim ugovorni organ namjerava zaključiti ugovor o javnoj nabavci ili naziv jednog ili više privrednih subjekata s kojima ugovorni organ namjerava zaključiti okvirni sporazum i razlozi za njegov/njihov izbor:** Ponuđač Štamparija Fojnica D.D. Fojnica dostavio je, nakon okončane e-aukcije, u predmetnom postupku prihvatljivu ponudu u skladu sa tenderskom dokumentacijom, u iznosu od 14.900,00 KM bez PDV-a, koja je prema kriteriju za izbor ponude (najniža cijena) ocijenjena najpovoljnijom od svih prihvatljivih ponuda.
- **Podaci o dijelu ugovora koji se daje u podugovor i podaci o podizvođaču, ako je primjenjivo:** Ne primjenjuje se.
- **Prijedlog odgovornoj osobi ugovornog organa za donošenje odluke o izboru ili odluke o poništenju, s obrazloženjem:** Razlozi donošenja odluke o izboru: Obzirom da je ponuda ponuđača Štamparija Fojnica D.D. ocijenjena kao prihvatljiva i sa najnižom cijenom, to Komisija za nabavku predlaže prihvatanje ponude, te shodno članu 70. Zakona, donošenje Odluke o izboru ponude ponuđača Štamparija Fojnica DD Fojnica, kao najpovoljnije za predmetnu nabavku.
- **Datum završetka pregleda i ocjene ponuda:** 08.04.2019. godine u 15,10 sati.
- **Popis priloga uz zapisnik (zahtjevi za pojašnjenjem i/ili upotpunjavanjem dokumenata i ponuda, zahtjevi za dostavom originala ili ovjerenih kopija traženih dokumenata, zahtjevi za prihvatanjem ispravke računске greške, zahtjevi za objašnjenjem neprirodno niske cijene, dostavljeni dokumenti, pojašnjenja, objašnjenja, prihvatanje ispravke, mišljenje stručne službe ugovornog organa ili stručne osobe i sl.):**
- Izvještaj o toku i završetku e-aukcije od 05.04.2019. godine


- **Ime, prezime i potpis osoba koje su izvršile pregled i ocjenu ponuda:**

1. Ernedin Zajko, - Predsjednik Komisije
2. Marina Krpić, - član Komisije
3. Nejra Alfirević Fočo, - član Komisije
4. Ilvana Poljo, - sekretar Komisije









Napomena:

Shodno članu 71. stav (2) Zakona o javnim nabavkama, kopija zapisnika o pregledu i ocjeni ponuda, dostavit će se, uz obavještenje o rezultatima postupka i uz odgovarajuću odluku o rezultatu postupka, svakom ponuđaču učesniku postupka.

Ugovorni organ ocjenjuje ponude koje su podnijeli kvalificirani ponuđači, primjenjujući kriterij za dodjelu ugovora utvrđen u tenderskoj dokumentaciji.

Nakon ocjene ponuda, ugovorni organ dužan je sačiniti zapisnik o ocjeni ponuda koji sadrži najmanje sljedeće podatke:

- a) naziv ugovornog organa;*
- b) predmet javne nabavke;*
- c) naziv ponuđača čije su ponude odbijene i razloge za njihovo odbijanje;*
- d) dodjelu bodova po potkriterijima za ocjenu ponuda, ako je kriterij ekonomski najpovoljnija ponuda, prema metodologiji utvrđenoj u tenderskoj dokumentaciji;*
- e) rang-listu ocijenjenih ponuda, počev od najuspješnije ka najmanje uspješnoj;*
- f) naziv ponuđača čija je ponuda ocijenjena najpovoljnijom;*
- g) vrijednost ugovora ili okvirnog sporazuma.*

U otvorenom i ograničenom postupku, pregovori između ugovornog organa i ponuđača nisu dopušteni.

Sadržaj zapisnika o pregledu i ocjeni ponuda u ograničenom postupku javne nabavke, pregovaračkom postupku s objavom obavještenja, pregovaračkom postupku bez objave obavještenja i takmičarskom dijalogu ne sadrži podatke iz tač. k), n), o), i s) stava (1) člana 18. Uputstva o pripremi modela tenderske dokumentacije i ponuda, osim u slučaju provjere izjava koje je kandidat dostavio u skladu sa članom 68. stav (3) Zakona.

Ako neko od ovlaštenih predstavnika ugovornog organa odbije potpisati zapisnik o pregledu i ocjeni ponuda, o tome se sastavlja zabilješka koja se prilaže zapisniku.

Shodno članu 71. stav (2) Zakona o javnim nabavkama, kopija zapisnika o pregledu i ocjeni ponuda, dostavit će se, uz obavještenje o rezultatima postupka i uz odgovarajuću odluku o rezultatu postupka, svakom ponuđaču učesniku postupka.

Broj: 12-1524/13


Datum: 10.04.2013

SLUŽBENA ZABILJEŠKA

povodom sačinjavanja Zapisnika o pregledu i ocjeni ponuda u postupku nabavke "Grafičkih usluga za potrebe Elektrotehničkog fakulteta u Sarajevu do kraja kalendarske 2019. godine"

Član komisije Nejra Alfirević Fočo nije potpisala Zapisnik o pregledu i ocjeni ponuda, jer je u periodu od 01.04. do 05.04. 2019. godine bila na bolovanju.

Službenu zabilješku sačinila
Ilvana Poljo



Dostaviti:

1. Ponuđačima uz Zapisnik o pregledu i ocjeni ponuda
2. a/a